

嘉慶新修江寧府志

新修江寧府志卷之五十

人物 列女七

明徐妙錦

中山武寧王女也長姊適燕王後正位中宮

武末諸藩不靖代王被逮妙錦感悟矢不通人親王求
婚皆拒絕之仁孝崩文皇聞妙錦美且賢欲聘爲后命
內使女官往諭旨妙錦稱病不出女官直抵臥榻妙錦
擁被呻吟女官叩首請不得已乃徐起自指曰吾面陋
無婦容不足備六宮選女官羅跪審視姿態瑩麗真天
人也歸復命妙錦卽削髮爲尼文皇聞之竟虛中宮不
復冊立洪熙改元妙錦乃返初服宣德初仁廟張太后
自入東宮時聞妙錦行義高潔心敬慕之至是徵入京
女官將命中使護行既至敘威里恩入宮中朝自稱徐
達第三女肅拜進止端凝不失跬步太后以下皆尊敬
之賞賚優厚宮娥見之莫不悚然私相語曰此辭皇后
不爲者也隨遣內使護歸正統中卒附葬鍾山先塋之
次妙錦嘗言靖難歸至建文當坐殿上以待燕
王苟不讓則死之何自焚爲蓋其識見遠矣

黃善聰

金陵淮清橋人年十二喪母姊已適人父販線

死聰變姓名曰張勝仍習父業有李英者亦販香自金

陵來與為伴侶同寢食者踰年不知其為女也偕反金

陵聰往省姊姊不之識詰知其故怒罵曰男女亂羣辱

我甚矣拒不納聰以死自明乃呼鄰嫗察之果處子也

相持痛哭自為改裝明日英來再約同往知其為女快

快如失歸告母為求婚聰不從曰若歸英如瓜李何鄰

交勸所執益堅當事聞

之助其聘禮判為夫婦

應天衛凌印女

幼字張仲年甫及笄夫歿計聞女引錐

姑盡孝尋染疾家人延醫診視女曰吾手何

可令醫近耶卻之曰父買地與夫合葬被旌

侯氏女

上元人年及笄媒為議婚女以兄亡姪幼為之

經理家業不肯許字尋遣姪從師獲領鄉薦崇

正間旌表

張氏女

金陵人以父無子守貞不字事親以孝聞

國朝向氏女

上元人許字田逢仁未于歸而夫歿歸田守貞五十餘年嗣子承金娶媳梁氏而天遂偕

媳撫孫延禧以延夫後

李氏女

上元人許字顧峻峻死於逆旅內問至歸顧守貞四十五年

李氏女

上元人許字陳允升年十九聞夫訃歸陳守貞十六年卒

李氏女

上元人許字周秉中年十九聞夫訃歸周服喪守貞四十三年

吳氏女

上元人許字孫有楷未嫁夫歿歸孫服喪事姑孝撫嗣成立守貞三十二年

蕭氏女

上元人許字唐允隆未婚而夫歿歸唐守貞孝事舅姑撫嗣子成立

楊氏女

上元人許字陳子瑄夫亡詣陳家守貞事姑雍正四年旌

普氏女

上元人許字汪錦錦歿歸汪守貞雍正十一年旌

仇氏女

上元人許字項邁邁蚤死女歸項守貞事舅姑撫嗣子

李氏女

上元人許字葉衢未婚聞夫計歸葉守貞通志載江寧人

于氏女

上元人許字吉士升年及笄聞夫歿絕粒數日衰絰歸吉終身守貞

陸氏女

上元人許字王柱聞計守貞

紀氏女

上元人許字姚啓泰夫病篤女歸姚侍湯藥竟不愈遂事舅姑以終

李氏女

上元人許字孔興復年二十聞夫計歸孔守貞

馮氏女

上元人許字吳貞度聞夫歿京師依兄紡績自給守貞三十餘年待旌

曹氏女

金陵人許字黃某某遠遊不返女獨處一樓非定省不下守貞以終

萬氏女

上元人四歲父玉瑛歿母徐孀居苦節女稍長佐母勤女紅俱菽水終身不字鄉里以節孝稱

之

俞氏女

上元人母林孀居苦節女感母志誓死不字

伍氏女 上元人許字沈履錚夫歿於京邸女聞訃歸沈
守貞獨居小樓非省姑未嘗下比歿遺言以不
獲終事姑為憾姑蔣氏亦少寡稱苦節

鄧氏女 上元人許字余餘卒
女誓死守貞被旌

洪氏女 上元人許字李仙桂未婚而婿
歿歸李守貞事祖姑以孝聞

葉氏女 上元人許字蕭成蕙年十八夫卒於京邸歸蕭
守貞四十餘年按省志葉氏女許字蕭采采卒
京師女年十八歸蕭食貧養姑姑歿葬祭
中禮守貞以老未知是兩人否竝載之

汪氏女 上元人許字戴宏毅未
嫁而夫殞歸戴守貞

朱氏女 上元人許字張文驥未嫁聞訃易服歸張
終喪縞素蔬食獨居一室守貞十九年卒

周氏女 上元人許字江聘年十
八聞夫歿奔喪守貞

吳氏女 上元人幼字李某某歿於
逆旅女守貞四十餘年

趙氏女

上元人許字汪宗維夫亡守貞

鄒氏女

上元人幼字王正國未婚而夫歿奔喪事姑以代子職守貞以終

郭氏女

上元人八歲喪母願依兄嫂奉父甘旨及笄有議婚者立卻之迨父歿兄嫂相繼亡遺孤幼撫

之成立娶婦生子
女年逾八十終

吳氏女

上元人幼字劉矩年十八聞夫計變服成禮終身守終

楊氏女

上元人幼字陳治達年十七聞夫計矢志守貞

周氏女

上元人孝於父母不願適人父母亡弟早世弟婦萬氏孀居女嘉其苦志盟心共守相依以老

徐氏女

上元人許字庠生陳鳳翽為繼妻未婚而夫歿衰經歸陳事孀姑撫弱子守貞四十二年貞女

族兄徐嶙妻亦以節聞

王氏女

上元人幼字焦正綱年十八因問至矢志守貞有為之議婚女哀慟絕粒請於父曰願作焦氏

之鬼竟死舅姑哀之迎其柩
歸與子合葬於祖塋之旁

施氏女

上元人許字李廷昌
夫亡守貞以哀悴死

王氏女

上元人少孤無依其姊議字吳鍾
粵未聘聞有欲易議者女賣志死

黃貞女

上元人

袁貞女

上元人芳
庭之女也

潘氏女

上元人母亡誓志
養父終身不字

裴氏女

上元人幼字江寧徐光祀年十九聞夫
計歸徐守貞立姪宗煌為嗣以延夫後

耿氏女

上元人許字王鴻序未婚而夫歿歸王守貞勤
紡織養舅姑年皆登耄耄立族子天銘為嗣曹

學使
表之

張氏女

上元人幼字謝觀龍年十七聞夫計矢志守貞
立姪為嗣娶媳生孫子又天遂借媳撫孫成立

七十
歲卒

陳氏女

上元人許字郭芹年十
六間夫計歸郭守貞

楊氏女

上元人氏先之女幼字某佚夫姓名某從父歿
於逆旅女獨小樓辟繿自給守貞六十餘年

陳氏女

上元人許字唐光昕年二十一聞夫計衰經歸
唐事舅姑孝勤女紅佐甘旨守貞四十二年

沈氏女

上元人許字朱尚禮未婚而夫死歸
朱守貞二十年乾隆十一年旌

屈氏女

上元人幼字周桂遠遊乏音耗氏家居
事父母兄嫂以孝謹聞守貞四十八年

慕氏女

上元人許字張宗禮十六間夫計歸
張守貞四十年乾隆十九年旌

章氏女

上元人許字劉容僕婿有惡疾父議改字女不
可凶問至歸劉守貞三十餘年乾隆二十年旌

蔡氏女

上元人許字屏生徐潮潮歿
誓志守貞乾隆三十年旌

陳氏女

上元人許字屠旭東未婚而夫歿守貞以終乾隆三十二年旌

侯氏女

上元人許字楊瑛瑛遊學京師乾隆庚申年染病而歿女年二十二凶問至歸楊守貞五十一

年

吳氏女

上元人許字王和樂未婚而夫歿縞素歸王撫嗣子世培以延夫後守貞四十六年嘉慶八年

旌

吳貞女

上元人舉人吳鎮之女

涂貞女

上元人庠生涂沅之妹

明薛氏女

江寧人受徐聘未嫁卒斷髮長齋以終

國朝李氏女

山東魚臺人江寧候補選理問王大紳義女也女始鬻於王為婢年及笄為之擇配女辭王

叩之泣對曰婢自幼待年夫家歲大履歸就食於父母適妹餓死父母匿婢以妹尸給夫家遂鬻婢於主人也

婢迫於父母命至今大不忍於心敢辭王異之爲訪其父母及夫家無有存者女益悲涕矢志守貞王廼正名爲己女以成其志

馬氏女 江寧人許字楊貢南年十九婚攜資來娶岳耗其貲未果嫁婿病歿女矢志守貞父欲改字宦族女以刀自刺幾至捐生父終不能奪其志

蔡氏女 江寧人許字陳某未婚而夫歿歸陳守貞三十五年

楊氏女 江寧人許字當塗戴起龍聞夫訃矢志守貞

周貞女 江寧人許字王佚夫名夫亡守貞

裴氏女 江寧人許字徐文魁未婚而夫歿歸徐服喪事舅姑孝立姪宗煌爲嗣以延夫後

金氏女 江寧人許字陳潤安未婚而夫歿歸陳守貞四十四年

談氏女 江寧人兄國輝早死遺腹生子承基與父妾生子兆煦皆在襁褓母嫂相繼歿女仰事俯育終

身不改其志

葛貞女

江寧人

王貞女

江寧人

蔣氏女

江寧人許字徐沂年及笄聞夫計守貞以終康熙年旌

顧氏女

江寧人許字諸生汪東山未婚聞夫計矢志守貞雍正七年旌

郭氏女

江寧人幼字徐宗泗年及笄聞夫計縞素長齋守貞四十五年乾隆七年旌

梁氏女

江寧人幼字武湘湘歿歸武守貞五十五年乾隆九年旌

周氏女

江寧人許字陳嘉棟年十九聞夫計縞素歸陳立嗣子以延夫祀守貞三十四年乾隆十七年旌

旌

吳氏女

江寧人許字孫有楷年十八聞夫計歸孫守貞三十三年嗣子延輝乾隆四十七年旌

薛氏女

江寧人許字徐某未嫁而夫亡女斷髮守貞長齋以老

李氏女

江寧人許字葉衢未婚而葉死女聞之飲毒吞金俱以救免乃歸於葉立嗣奉姑守貞以老

毛氏女

江寧人許字謝某某以事竄楚久不歸傳聞有別議姻來告者嫂偵女意女取剪刀斷頭上髮

寸寸落手中揚以示嫂曰汝第視此又越年凶問至女易縞素西向泣拜越江濱投死獲救免守貞七十六年

跌坐而逝

王氏女

江寧人許字朱鉉未于歸而夫歿女年十八聞計欲以身殉父母諭之乃止衰經歸朱翁姑歿

無依母氏守貞終老

呂氏女

江寧人許字汪永祝未婚而夫歿女聞之請於父母歸汪守貞五十年

陸氏女

江寧人許字王柱二十二聞夫計衰經奔喪守貞三十餘年

葉氏女

江寧人許字國子生蕭成蕙以應舉卒於京師女歸蕭立嗣子延夫祀事舅姑存歿盡禮守貞

四十餘年

顧氏女

江寧人少警善事父母終身不字

康氏女

江寧人幼字段某某未婚而某卒守貞終身

黃氏女

江寧人許字金育棠未婚而夫卒女年十八歸金守貞

紀氏女

江寧人許字姚京魏女年十九聞大病篤日夜號泣誓以死殉父母知其志堅乃議歸姚侍湯

葉卒不起女截髮盟心日食不給守貞四十餘年

陳氏女

江寧人許字計某未婚夫亡茹齋縞素守貞以終

楊氏女

江寧人幼字戴起曜未嫁而夫歿守貞四十餘年

朱氏女

江寧人國子生嚴右箴待年妾也嫡王氏無子

同泊岸側者其婿也翁白女意令姬隔船一見婿告翁

命與送至家且待年為閨閣伴遂發楚中未數月西回

至九江而卒姬隨嫡赴櫬所哭盡哀及終三年喪嫡欲

遣之姬泣曰妾已舟中一見誓不再為他人婦嫡益憐

之視之如姊妹
竟獲守貞以終

馬氏女

江寧人父濂任江西都昌巡檢以女許字山東武探花之子楊崙年二十一聞夫訃守貞三十

年五

侯氏女

江寧人幼字楊某某家貧遠遊削髮為僧致書於家任女改字女衰經赴舅姑喪守至七十五

終歲

談氏女

江寧人父堯階常州學官長兄早卒僅一遺子次兄又夭祖母及母嫂相繼亡女勸父置妾生

男女撫育弟姪仰事老父三十餘年父曰吾所依唯女女所依唯吾守貞以終

鄧氏女

江寧人幼字卞超超歿歸卞守貞

耿氏女

江寧人許字王鴻序年十九婚歿於逆旅女事舅姑代子職撫嗣子天銘有成守貞五十二年

劉氏女

滁州人許自江寧朱煒未嫁而夫歿歸朱守貞四十餘年

詹氏女

江寧人幼字江文英年二十聞夫計歸江服喪立姪以銓爲嗣守貞二十一年以銓尋入邑庠

徐孝女

江寧人家貧父母老矢志養親終身不字承歡朝夕三十餘年弟妹諸姪教養有成迨親歿而

女遘疾不起矣年五十四終

楊氏女

江寧人許字繆尚蕙年十七夫病歿剪髮毀容奉舅姑孝立姪國懋爲嗣守貞三十五年

談氏女

江寧人幼字劉承勳年十七聞夫計歸劉哭奠復居一室貞守不移

周氏女

江寧人幼字王巨源年及笄聞夫貿易漢口而歿依母氏以終

金氏女

江寧人幼字陳閏安未婚而夫歿守貞母家

方氏女

江寧人許字陳春春遠出尋父念年不反女貞守閨中

明張貞女

句容人許聘王姓王天亡女聞誓不再字卽告於父

母願終身於家以事親有議聘者輒以死拒惟坐一內室廢膏沐勤紡績孝父母愛弟姪年八十餘烈名四著

鄰族嘉其志行屢欲間縣旌異之張曰受聘喪夫天也
命也一許不再適情也理也何足爲異而求虛名哉按
舊府志載句容張氏女許字王姓
夫亡守貞當卽此人茲錄舊縣志

國朝王氏女 句容人許字周篤金年十八聞夫訃
歸周服喪立姪爲嗣守貞二十六年

樊氏女 句容人幼字金陵魏某
某天歸魏事姑守貞

笄氏女 句容人許字戴士榮未婚而夫
歿女歸戴撫嗣守貞五十餘年

許氏女 句容人年十三父歿母與兄相繼亡兩弟甫離
襁褓女撫之成立娶婦生子弟事姊如嚴父婦

亦事之如慈姑
守貞三十年

譚氏女 句容人許字陳常常遠遊不反寄言目瞽任從
擇壻女不允潛入內室自縊獲救不死由是獨

居一室足跡不履
外庭年五十九卒

尚氏女 句容人許字周恒立年十九聞夫訃誓死歸周
孝於舅姑和於妯娌立姪貞沂爲嗣守貞三十

年

楚貞義女

黃山史氏女也吳王僚五年伍子胥去楚自

宮中有飯子胥跪而乞餐女飯之欲去謂女曰掩子壹

漿母令其露女歎曰妾獨與母居三十年自守貞明不

願從適何立饋飯而與丈夫虧越禮儀妾不忍也子行

矣子胥行反顧女子已自投於水其後子胥以吳兵入

其家乃投金水中而去事見吳越春秋

國朝盧氏女

宋狀元俞棨五世孫也幼字庠生周輅輅歿女

明俞氏

失志不貳父母不能強授田八畝爲衣食資女

紡織自力數十年積金修造神山菴橋繼以田

施菴中以延香火享年八十餘卒葬父母側

葛氏女

溧水人許字洪以賢未婚夫

徐氏女

溧水人父子寧與嚴章文善指腹爲婚未于歸

而章文之子遠遊不返父母欲改字女不可守

貞以老

趙氏女

溧水人許字陳天瑜未婚而夫歿歸陳守貞事舅姑以孝聞

劉氏女

溧水人許字吳本靈年及笄聞夫疾泣請於父願往視湯藥勿愈嚙指以誓守貞撫嗣康熙己酉年七旬

邑令獎之

徐氏女

溧水人名正男許字嚴孟琰未婚守貞

俞氏女

溧水人許字黃程悅年十六聞夫計父母議改字女堅執不允守貞三十一年

陳氏女

溧水人許字蔡國璫未婚而夫歿歸蔡事姑守貞三十三年

趙氏女

溧水人許字王孔棠年二十二聞夫計守貞三十六年

陸氏女

溧水人許字芮士居未嫁婚病歿女易服奔喪誓以身殉哀毀致疾死

郭永清妻王氏

江浦人未嫁而夫入都三十餘年不通音問父母欲改字之不可後永清任朔

平府左雲縣尉遣使迎娶氏年已五十餘矣

薛氏女

江浦人幼字葛椿未婚聞夫訃歸守貞

滕氏女

江浦人爲蔡氏養媳年及未笄蔡氏子溺水死誓志守貞撫姪爲嗣

馬氏女

江浦人許字陳某遠遊不反女矢志守貞四十餘年壽六十有三

李氏女

江浦人許字陳某某貿易遠出音信斷絕守貞以老

趙氏女

江浦人許字劉以謙未嫁夫亡歸劉守貞五十年順治十二年旌

嚴氏女

江浦人許字胡茂儀年十八間夫訃守貞夫嫁雍正三年旌

楊氏女

江浦人許字秦文煥年十九聞夫訃歸秦守貞四十八年嗣子濤彭入於庠乾隆四十一年旌

王氏女

六合人許字余敦灝未婚而夫歿舅姑已亡家徒壁立女矢志守貞依母氏居勤女紅自給與

弟婦汪氏
若志以終

徐氏女
六合人幼字鄭里祥年十九間夫計歸鄭奉姑守貞三十餘年

唐氏女
六合人幼字董長春年十八間夫計歸董守貞

汪氏女
六合人幼字唐謙年十七間夫計歸汪事姑矢志守貞五十餘年

時氏女
六合人幼字李廷樞年十八未于歸而夫歿撫嗣守貞三十年

黃氏女
六合人幼字李如松年十六間夫計剪髮自誓歸李奉姑守貞

周氏女
六合人幼字吳宏九間夫計歸吳守貞

盧氏女
六合人幼字沈燦玉年十七未婚而夫歿守貞三十一年

屠氏女
六合人幼字卞松未婚而夫歿矢志守貞撫兄公子為嗣

常氏女
六合人幼字達岷年十六間夫計衰經歸常事姑孝勤紡績以進甘旨立姪承嗣守貞二十四

年

張氏女

六合人許字鄭芳芳客死漳
州女易服歸鄭守貞以老

陳氏女

六合人許字曹璫年十八夫亡女聞訃歸許奉
姑獨居小樓縣夫像於中茹蔬焚香守貞二十

年八

汪氏女

六合人許字戴某某計至女衰經
往哭事舅姑立嗣子守貞五十年

王氏女

六合人許字劉成業年十九
聞夫訃歸許守貞四十四年

黃氏女

六合人幼字詹士明未婚而
夫歿歸詹守貞二十一年

章氏女

六合人幼字黃大楫年十九聞夫訃
衰經歸黃事姑撫嗣守貞三十餘年

崔氏女

六合人載張之女兩目失明終
身不字績線資生者六十九年

達氏女

六合人許字馬文德年十六聞夫訃病哭
歸馬勤紡績奉舅姑矢志守貞三十二年

王氏女六合人幼字達文元文元遠出十餘年無音問

救之知其志不可奪任其歸達舅姑已

葉氏女六合人幼字陳堯仁未娶而夫歿歸陳事姑立

年

張氏女六合人許字國子生周士鼎為繼室未婚而

阮氏女六合人幼字潘鐵年十八聞夫計歸

印氏女六合人幼字朱實穎年十七聞夫計歸朱服喪

立課之讀書還昌年十六遊庠

旋食餼皆母教也守貞三十年

侯氏女六合人許字李三年十

李氏女六合人幼字夏玉川年十七

聞夫計歸夏守貞三十一年

常氏女

六合人幼字國子生李春源年十九聞夫訃歸李服喪善事舅姑立姪光勳爲嗣守貞三十年

好吟詠作詩清馴可誦

張氏女

六合人許字印法爲繼室未嫁而夫亡哀經歸印事舅姑撫前室之子廷樟如已出守貞二十

年一

魏氏女

六合人幼字葉珍珍遠出無消息遲之十數年遁歸歸數日卽死女聞訃服喪三年守貞以老

金氏女

六合人許字普聘聘計至父母秘不以聞女知之截髮送普以死自誓乃歸普守貞事姑姑歿

哭甚哀竟死

吳氏女

高淳人幼字姜培榮未婚聞夫訃奔喪事姑姑歿嗣子又殤哀勵死

元凌女

高淳人凌進二女許聘里人王純之姪未嫁而夫卒純欲謀爲妾女執義不可自經救免後依

兄子備嘗

艱苦終身

明彭應驥聘妻周氏

高淳人有勳女名孫妹未于歸而

雷事舅姑構一室奉木主坐臥其中十六年家貧以勞瘁瞽目一日忽復明見仙女來迎狀遂卒

國朝楊氏女

高淳人許字邢之琇未婚夫歿堅志守貞坐臥一室晝夜紡績依母氏以終

魏氏女

高淳人許字吳邦贊年十八聞夫訃歸魏哀慟縞素祝髮紡績撫嗣五十七年

吳氏女

高淳人父允祈無子言聘者登門輒不樂女從容告父願畱侍養父卻之女執前說益力家業

中落勤女紅以佐甘旨父亡喪葬如禮禮服闋女尋歿守貞五十二年

陳氏女

高淳人九歲喪母哀毀幾不欲生撫幼弟以恩事繼母如所生父病篤親湯藥必謹嘗祝天號

泣嘗糞味甜哀慟悲切再嘗之味苦父病痊時女年十六醫者謂孝感云

王氏女

高淳人許字邢昭蓉年十五未婚而婿歿矢志守貞歷六十年

陳氏女

高淳人幼字邢哲諱年十六未婚而婿歿歸邢守貞四十三年

許氏女

高淳人許字黃日肇未婚而夫歿奔喪撫嗣守貞三十餘年

韓氏女

高淳人許字士忠夫亡守貞

孔氏女

高淳人幼字邢麒書未婚聞夫訃奔喪守貞勤紡織自給歷二十餘年

陶氏女

高淳庠生陳飛鵬之婢也飛鵬早逝妻邢氏欲以身殉女年十六泣諫之而止由是終事不嫁

隆以

伴邢撫孤守貞

歷二十年邢氏歿哀毀絕粒者數日乾隆丙午年已七十三主母邢之孫庠生佩青天逝悲悼

吳氏女

高淳人許字魏大綬年十六聞夫歿歸魏成服不復歸寧事舅姑盡婦道立嗣子廷夫後守貞

五十五年

雍正十一年旌

谷氏女

高淳人許字邢僑未婚而夫歿歸邢守貞撫姪為嗣以延夫後乾隆八年旌

蕭氏女

高淳人許字經之泰夫亡歸經事孀姑惟謹守貞四十餘年乾隆十年旌

王氏女

高淳人許字李允繼未成婚聞夫訃易服歸李

張氏女

高淳人許字劉世璋年及笄聞夫訃奔

邢氏女

高淳人許字孫朝聘年十九聞夫訃服喪歸孫

旌

張氏女

高淳人許字劉士佐年十六聞夫訃歸

以上貞女

宋趙定母

金陵人通詩書常聚生徒數十人張惟講說

意表景德二年

子定壹第授海陵從事訓曰無飭虛以

活名無事佞以奉土處內在盡禮居外在活民識者以

明尚書倪岳妻盧氏

能詩有倪文

投夫人集

太僕陳沂繼室馬氏

名閨卿字芷居江寧年近八旬不廢吟咏書法大蘇頗與沂相類

善山水白描有芷居集

張羽王妻周氏

名潔江寧人能詩有雲巢集

姚淑

字仲淑江寧人庶吉士達州李長祥納爲繼室有鍾山秀才海棠居集見明詩綜

陳南塘忠夫人沈氏

居倉巷中夫偶他往有盜數十人

盜不敢登乃放火燒樓氏見火逼從後窗挾鎗投鄰家得免

國朝方仲舒繼妻吳氏

其先莆田人父徙居六合程駕橋仲舒就婚於吳生子舟及苞家貧

氏撫前二女及所生子女凡八人黽勉中饋動循禮法教二子讀書成立苞舉進士直南書房氏老病奉

特旨御醫視疾頒賜內府藥物酒醴人以爲榮

貢生黃叔瑛妻呂氏

上元人性仁厚嘗脫簪珥爲治生計得百金有鬻田者受直而不輸

租瑛控之官值歲疫氏恐其斃於獄白瑛得半直釋之子元鐸癸卯進士官庶常

張謙妻倪氏

夫坐誣與兄觀同死嗣子達諱成崇山氏與女全一奉姑至軍中雖顛沛必遵禮法

達死弟逸調赤水同產與俱氏壽七十四全一壽八十三逸子孫耐全一於家廟

胡培妻陳氏

名立字芷君仁和人嫁於江寧課子鎮鑑篇尤精醫術長子傳其學

文集四卷女誠十篇六歲六

張逸妻孫氏

句容人逸父觀與氏父毅賓相得歡甚會二家俱娠遂為婚姻逸生十年而家難作

父死舉家謫戍崇山逸隨母胡氏及兄達往稍長母命還鄉就婚賓欲背約女不可竟歸逸從之戍所姑已歿

事類譚氏盡職

以上才淑

新修江寧府志卷之五十一

人物十 仙釋

漢茅盈元帝時隱句曲山學道遇至人授以仙術盈弟衷爲西河太守固爲執金吾各棄官渡江求兄於東山咸得仙去世稱三茅君

吳康僧會西域康居國人赤烏四年至建康時中國未有像教會始誅茅設像卽秦淮西南建初塔寺藏所謂舍利者江左之有僧刹自會始

葛元字孝先句容人吳時學道得仙號曰葛仙翁以其煉丹秘術授弟子鄭隱

晉許邁字叔元丹楊句容人也少恬靜不慕仕進謂餘
杭懸雷山近延陵之茅山是洞庭西門潛通五嶽陳安
世茅季偉常所游處於是立精舍於懸雷攜同志徧游
名山因改名元字遠遊著書十二篇論神仙之事後莫
知所終好道者皆謂之羽化矣晉書有傳

葛洪字稚川句容人元從孫究覽書籍尤好神仙導養
之法從鄭隱學煉丹後師事鮑元元以女妻洪尋止羅
浮山著述不輟自號抱朴子因以名書剋期而逝舉屍
入棺輕如空衣晉書有傳

李盤白溧陽人築室高窟山之西煉丹脩道畜一虎飼

以藥苗謂之仁虎

帛尸黎密西域人永嘉中至東土常行頭陀行卒於梅岡元帝於冢邊立寺號高座道人世說新語注引高座傳

支遁字道林林慮人或云陳畱人居會稽哀帝遣迎至建康與一代名流皆著塵外之狎後終於洛陽在白馬寺與馮懷論逍遙篇見世說

竺法汰止瓦官寺講放光般若經簡文帝親臨聽講公卿畢至

竺道壹亦止瓦官寺受學竺法汰思澈淵深晦迹隱智

琅邪王珣深加禮敬

宋杯度嘗乘木杯渡水因爲號在建康時唯荷一蘆圖子擲於地數十人舉之不能得

求那跋摩中印度人元嘉中居金陵祇園寺文帝嘗問曰朕常願持齋不殺生命對曰帝王所脩與凡庶不同出一嘉言則士庶咸悅布一善政則神人以和刑不夭命役不勢力則風雨時若百穀滋繁以此持齋齋亦大矣以此不殺利亦多矣安在輟半日之餐全一禽之命然後爲宏濟耶帝撫几稱善

慧琳秦郡人姓劉氏有才華兼內外之學爲廬陵王義

眞所知嘗著均善論頗貶裁佛法文帝見而賞之

慧嚴慧議竝住東安寺學行精整爲道俗所推時鬪場寺多禪僧都下爲之語曰鬪場禪師窟東安談易林僧導十歲出家師以觀世音經授之讀竟卽相諮議師大悅授以法華高祖西伐長安要與相見孝武卽位勅於瓦官寺開講維摩

摩訶衍苦節有精理大明中於都下出新經勝鬘經尤見重釋學

覺意恒於瓦官寺樹下坐禪善神呪以香塗掌能見人往事

智嚴初住始興寺性本靜虛志避喧囂元嘉中共沙門
寶雲譯寫西域所得梵本眾經於枳園寺蕭思話婦疾
病恒見鬼物迎嚴說法疾遂瘳

曇遷游心佛義善談莊老工正書止烏衣寺范蔚宗被
誅門有十二喪無敢近者遷抽貨衣物悉營葬送孝武
聞而歎賞謂徐爰曰卿著宋書勿遺此人

竺道生初入廬山幽棲七年來止青園寺顏延之等並
挹敬風猷著法身無色諸論籠罩舊說妙有淵旨

楊羲和幼而通靈與二許結神明之交博學工書爲公
府令興寧乙丑寂真降所居後乘雲駕鶴仙去云

李明避世不仕隱居句曲鬱岡山丹成升元洲今舊迹存焉

齊釋慧約姓婁年二十達妙理周彥倫素所欽服廼於鍾山舊館造草堂寺以居之

智稱永明初止建康之安樂寺嘗謂安上治人莫先乎禮閑邪遷善莫尚乎律撰義記八篇

梁釋寶誌太始中出鍾山往來都邑被髮徒跣語默不倫豫言未兆遠近驚赴梁武帝尤深敬事呼爲誌公好爲識記所謂誌公符是也

菩提達摩南天竺人普通七年自西域達南海廣州武

帝遣使迎赴京師車駕爲之出郊延居別殿問曰朕卽位以來寫經度僧不可勝紀有何功德答曰此但人天小果有漏之因如影隨形雖有非實帝不領悟達摩知機不契折蘆渡江

陶宏景字通明丹楊秣陵人也年十歲得葛洪神仙傳晝夜研尋便有養生之志謂人曰仰青雲覩白日不覺爲遠矣嘗言句曲山下是第八洞宮名金壇華陽之天乃中山立館自號華陽隱居永元初更築三層樓處其上有時獨游泉石望見者以爲仙人梁書有傳

雲光法雲寺僧也凡講經天雨花如雪片

傳宏東陽烏傷人體權應道躡維摩金色表胸異香
流掌武帝延主鍾山定林寺甘露恒流常建大龕一柱
八面實以諸經運行不礙謂之輪藏

法悅天監中率合同緣於小莊嚴寺鑄造丈八無量佛
像開模量度乃踊成丈九而光相不差勅移像光宅寺
曇瑗住光宅寺棲託不競每上鍾阜游詠果日八十二
示寂勅立白塔建碑於寺

智寂住同泰寺簡文帝有志銘

陳桓闔者不知何許人執役陶宏景十年不懈一旦有
白鶴集庭宏景臨軒撫接忽有青衣童子曰太上命求

桓君耳遂乘鶴冲舉

王知遠琅邪人父曇選陳揚州刺史母夢靈鳳集身因有娠知遠警敏通書傳事陶宏景傳其術爲道士嘗識唐太宗於微時卽茅山爲觀居之一日謂弟子曰吾今署少室山伯將行卽沐浴衣冠若寢而卒唐書有傳智顗華容人謁慧思禪師悟法華三昧宣帝大建七年抵建康詔居光宅寺

道宗住瓦官寺耳不妄屬口無誑言厯學經論了無常師終日寢處卷軸間

唐法融隱茅山後入幽棲寺石室脩道虎鹿馴伏百鳥

獻花貞觀中四祖訪之付以燦大師頓教法門自後法
席之盛擬於黃梅其寺與山遂號祖堂云

智巖大業中以郎將果立戰功貞觀十七年歸建業入
牛頭山謁融禪師授以真訣爲第二世祖

慧方先投開善寺出家後入牛頭山謁智巖諮詢秘要
豁然領悟遂得正法不復出林藪

法持年二十游黃梅聞法復謁慧方爲之印可爲牛頭
第四世祖

智威江寧陳氏子謁法持禪師傳授正法爲牛頭第五
世祖

慧忠得法於智威平生一衲一鐺嘗有穀二廩盜窺之
虎爲之守縣令張遜入山謁問有何徒曰三五人遜曰
可見乎忠擊牀者三有三虎哮而出其神異多類此此
爲牛頭第六世祖

守亮居瓦官寺善周易李衛公鎮江南下令求論易者
亮至升座講解詞旨朗暢公所心疑而欲難者亮輒先
意離決遂命以寺爲居置講座於府將校以下皆入聽
講

元素字道清止江寧長壽寺嘗言道惟心證不在言通
智威禪師以東南正法期之

中孚居高座寺李白族子白有登梅岡贈中孚詩寺有然理庵中孚井其遺蹟也

雲岬大厯中歸棲霞探曹溪牛頭之旨沈研覃思朗然內得乃曰大丈夫了心當如此貞元時坐寂於瓦官寺伍達靈肅宗時謁者得道於句容之崙山山下有伍達靈潭

貫休字德隱俗姓姜氏素有禪行貞元十七年至溧水建龍城寺居焉喜吟詠詩在靈一無可清江之上著禪月集三十卷

張果六合園叟也後攜妻至王屋天壇山仙去

神建受法於四祖有逢巖卽止之語遂立道場於靈巖
山檀衆雲集

神堅住禪證寺咸通中黃巢兵至以及刺之堅不動共
膜拜而去

吳法通潤州丹陽人有文學試舉子業不利入茅山爲
道士乾符二年僖宗遣使受大洞籙尊爲度師賜號希
微先生天祐四年潛入巖洞不知蹤跡見十國春秋

五代劉得常昇州人十七歲作大道歌詣茅山見國師
吳法通法通曰賢者能飲茅山泉一月當十倍今日聰
明一年特生光慧十年聞仙道矣得常乃作冷泉吟法

通又曰吾有玉經妙旨子若歛華就實可以混合天人
離情理識得常再拜執弟子禮居紫陽觀二十年不踰
戶闕吳主時華姥山一夕有童子歌曰靈菌長金刀響
山中人數聳之慮有兵是年盛產黃芝經月枯悴得常
遂逝焉見十國春秋

僧祖肩善陰陽五行之術楊行密將攻杭州潛命至城
下偵險易反報曰是腰鼓城也擊之不下又聞其鼓角
聲曰錢氏子孫貴盛未易謀也後悉如其言見十國春
秋

南唐僧休復北海王氏子也幼出家十九納戒南唐主

李昇創清涼道場延居之保大元年十月致書辭李璟
取三日夜子時入滅璟令本院至時擊鐘及期衆集休
復端坐警衆曰無棄光影語絕而逝時璟聞鐘聲登高
臺遙禮深加哀慕收舍利建塔焉南唐書有傳

僧應之本王姓其先閩人也能文章習柳氏筆法以善
書冠江左初舉進士一黜於有司投冊罵曰吾不能以
區區章句取程於庸人遂削髮爲浮屠保大中賜紫命
寫楞嚴經旣成上之元宗曰是深得公權之法者也書
名由是益振遷右街僧錄固辭求居奉先禪院許之應
之多著述尤喜音律嘗以讚禮之寓諸樂譜其聲少下

而終歸梵音讚念協律自應之始南唐書有傳

僧深居金陵說法元宗常置綵一篋劍一具謂深及文
益曰高座若問荅得當賜雜綵否則賜劍文益升座深
曰今日奉勅叅問師還許不文益曰許深曰鶴子過新
羅捧綵便行一日同智明過淮見漁人布網有魚從網
出者深曰此卻與衲僧相似智明曰爭如當時不入網
羅深曰公少悟矣智明至中夜方省南唐書有傳

僧智明住金陵清涼禪院後主延之登座有僧問言句
盡落方便不落方便智明曰國主在此不敢無禮其元
機多如此南唐書有傳

僧清稟泉州人常參雲門印悟後主迎居光睦未幾召入澄心堂集諸方語要凡十年出住瑞州之洞山南唐書有傳

潘辰者少居和州樵採雞籠山以養其親嘗過江至金陵泊舟秦淮口有老父求同載辰敬其老許之時大雪辰市酒與同飲中流酒盡老父於髻中取小葫蘆傾之飲不竭辰益敬之至岸謂辰曰子事親孝復有道氣可教也乃授以道術辰由是往來江上屢著變幻之異李昇召居紫極宮數年卒臨歿上言乞桐棺葬近地後當尸解從之使中貴人護葬於金波園南唐書有傳

女冠耿先生者軍大校耿謙女也玉貌鳥爪常著碧霞帔保大中游金陵以修煉爲事元宗召見悅之嘗搗雪爲錠焚之成金指痕隱然其上又因宮人埽除取箕中糞壤煉爲白金先是大食國進龍腦油二器其味辛烈服之謂疾先生見之曰此非佳者當爲陛下致之乃以縑囊懸龍腦於屋棟須臾漉如注香味逾所進者久之宮中忽失所在或云猶見之江淮間南唐書有傳

文益一名法眼住清涼院後主欲拒王師禪師因觀牡丹於大內作偈諷之曰擁毳對芳叢由來趣不同髮從今日白花是去年紅豔冶隨朝露馨香逐晚風何須待

零落然後始知空南唐書有傳

智筠河中府人後主創淨德院延請居之賜號達觀禪師久之題曰吾不能投身巖谷滅迹市廛而出入禁庭以重煩世主吾之過也遂辭歸故山南唐書有傳

木平和尚知人禍福唐主召見於百尺樓木平指樓言曰此宜望火初不諭其意及淮甸交兵龍安山置烽堠應江北後主常登望以占動靜其言始驗南唐書有傳許堅性嗜魚不去鱗腸盤白山觀前有放生池堅吐所食魚入水卽躍去每和衣入溪澗中人問其故曰天象森列吾裸裎可乎一日呼逆旅道士共浴忽凌波如履

平地乃漸遠手招道士笑而去

靜照昇州奉先寺僧悟徹元機建康志載南唐葬師於殊勝院院在城南門外王荊公書靜照禪師塔詩

譚紫霄泉州人得漢張道陵符篆盡能通之効鬼神治疾病多効後主召至建康賜官不受所獲醮祭之施轉給賓旅年百餘歲無疾而卒人咸謂尸解云見十國春秋

法泉隨州人出家蔣山過目成誦晚年奉詔住智海禪寺問衆曰赴智海畱蔣山去就孰是衆無對乃索筆書曰非佛非心徒擬議得皮得髓慢商量臨行珍重諸禪

侶門外千山正夕陽書畢坐逝見十國春秋

清護開寶三年江南後主請入報恩淨德二道場說法
衆問諸佛出世天華亂墜有何祥瑞師曰昨日新雷發
今朝細雨飛問如何是諸佛元旨師曰草鞋木履後賜
號妙行禪師見十國春秋

匡逸初住潤州慈雲寺江南國主請主報恩上院一日
上堂示衆曰人無心合道道無心合人人道旣合是名
無事又云人迷謂之失人悟謂之得得失在人何關於
動靜見十國春秋

僧行言泉州人得法於淨慧禪師江南新建報慈道場

命行言大闡宗猷署號曰元覺導師升堂謂衆曰森羅萬象諸佛洪源顯明則海印光澄冥昧則情迷自惑苟非通心上士逸格高人何已於諸塵中發揚妙極卷舒物象縱奪森羅示生非生應滅非滅生滅洞已乃曰真常南唐書有傳

元寂受業昇元寺性爽悟博通經藏保大中詔講法華經賜號明教大師賜紫嗣出居長干寺見十國春秋文遂年十六卽悟道楞嚴經乾德中延主長慶寺法燈生而知道辯才無礙止金陵清涼寺大道場重開祖席

王棲霞一名敬眞七歲以神童及第天祐時南渡居茅山脩道唐主加號眞素先生嘗問何道可致太平對曰王者治身心乃及國家陛下尚未能去饑嗔飽喜何論太平見十國春秋

譚峭字景升煉丹南岳城能入水火隱形不見嘗著化書授宋齊邛齊邛利其書虐峭以酒醉而縫以革囊投諸深淵有漁人剖之峭睡正濃呼問曰我譚景升也齊耶奪我化書沈我於淵睡囊中得大休歇南唐書有傳宋佛果初止碧巖道休樞密鄧子常奏賜紫服詔住金陵蔣山法席之盛學者至無地以容建炎初賜號圓悟

禪師

清遠臨邛人嚴正寡言幼讀法華經了然會悟宣和初至蔣山之東堂一日飯訖趺坐謂衆曰諸方老宿臨終必畱偈辭世世可辭耶且將安往乃合掌怡然趨寂郡圃老卒不知姓名張稚圭爲江東漕攝建康府事喜與方士游一日行郡圃見老卒項繫念珠問之汝誦經乎對曰數息爾稚圭異焉呼至室中問其所得論養生吐納之術悉造精微又曰運使平生殊錯用心酷虐用刑非所以爲子孫福延納方士皆非有道者此曹特覲公惠耳稚圭歎服欲傳其法不果

慧新紹興初止建康之普光庵大衆皈依雲侶輻輳
贊元卓錫建康之蔣山閑靜寡言客來無貴賤寒溫外
無別語王荆公喜與之游後居定林稍覺煩動卽造贊
元相向默坐終日而去

張椿齡句容人徽宗時與皇甫坦同被寵眷蓋劉混康
之流

笄淨之句容人學仙人導引之術哲宗時賜號守靜凝
和真人政和三年卒遺表以去奢去泰爲諫徽宗朝追
諡沖隱真人今茅山有笄先生瘞劍池

邢汝嘉溧水人七歲能文善談名理身長七尺居茅山

稱高士孝宗召賜巾幘并御製詩贈之勅送還山重建
藏室獲施予金帛數萬謂門人曰吾非好此明年將大
饑嘉定二年二月二十二日不疾而化是歲秋穀不實
輒賴以濟號爲真應先生

智福長蘆寺僧有才畧見王安石記

龐眉僧主壽聖香積院秦觀稱其淡然若無意於世與
之言心如其貌蓋知道者云

沙應六合人本李氏子爲沙門有道人以相法授之遊
京師以東明二字贈蔡京京敗貶潭州卒於東明寺其
言始驗

元雪邨金壇人劉姓博精儒典不落塵俗至正間止句容崇明寺說法語言超邁著有雪邨語錄

明周顛建昌人年十四得狂疾走南昌市中乞食每謁長官必曰告太平太祖平南昌還金陵顛亦隨至曰告太平日語如是太祖厭之一日命覆以巨缸積薪煨之薪盡啓視則無恙遂命寄食蔣山僧寺已而僧來訴顛與沙彌爭飯怒而不食且半月太祖往視顛顛無饑色後整衣作遠行狀遂辭去友諒平太祖遣使往廬山求之不得疑其仙去帝親撰周顛仙傳紀其事明史有傳張中字景華臨川人少應進士舉不第遇異人授數學

談禍福多奇中元末隱幕府山太祖下南昌以鄧愈薦
召問曰予下豫章兵不血刃此邦之人其少息乎對曰
未也旦夕此地當流血廬舍燬且盡鐵柱觀亦僅存一
殿耳未幾指揮康泰反一如中言中爲人狷介寡合與
之言稍涉倫理輒亂以他語好戴鐵冠人稱爲鐵冠子
云明史有傳

冷謙字敬啓諳音律能畫嘗爲仙奕圖人共傳之以黃
冠入見高帝授協律郎因事忤旨將誅召至便殿謙請
飲少水就死帝許之左右以小罍盛水至謙先以一足
納罍中已而漸沒呼謙輒應視之乃空罍耳帝令碎之

左右執碎罍以呼片片皆應自是不復見後有遇之武當者

張三丰不知何許人寒暑惟衣一衲每事輒先知之太祖求之不得永樂初累致書敦請乃入見嘗奏對忤旨欲殺之忽不見後上有疾有使者遇之途附進簍衣草數莖煎湯服之立愈由此遂絕

道成雲州人年十五出家興國寺獨究單傳之旨洪武中奉聘住天界寺面奏不會佛法上製詩鐫榜懸諸法堂曰不荅來辭許默然西歸隻履舊單傳鼓鐘朔望空王殷示座從前數歲年勅就寺建普度大齋三晝夜上

幸丈室顧問文皇時命於鍾山說法聽者數萬人
慧曇天台人俗楊姓母夢吞明珠而孕出家越之法果
寺通貫華嚴諸經初止蔣山後詔住天界寺特授演梵
善世大禪師洪武三年奉使西域卒勅賜遺衣葬於雨
花臺左

宗泐臨海周氏子始生坐卽跏趺人異之元末隱徑山
洪武元年詔致高僧泐應命首至主天界寺會高后葬
大風雷雨百官恐怖泐宣偈曰雨落天垂淚雷鳴地舉
哀西天諸佛子同送馬如來上大悅

懷信奉化人住龍翔寺明兵下金陵寺僧星散信獨跌

坐不去衆兵皆投仗而拜高帝常幸其寺改龍翔爲天界一日書偈示寂詔給帑助葬

碧峯乾州永壽人少棄家入禪林脇不沾席者三年自是入定或累日不起嘗趺坐大樹下溪水橫湓人疑其死七日水涸競往視之趺坐如故衆以爲神太祖詔至京師召問佛法及鬼神情狀奏稱旨後自鬻衣鉢作佛事七日沐浴更衣而逝

劉淵然贛州人幼爲道士遇趙原陽授以道法旁通醫術恒以金丹活人洪武中召至闕下建西山道院於朝天宮以居之出入禁中禮遇甚至以忤權貴爲所中謫

置雲南洪熙改元徵還賜號長春真人宣德中歿於冶城明史附張正常傳

焦姑名奉真家中和橋南有仙術能祈陰晴永樂時建元真觀居之將死戒其弟神樂觀道士曰吾死後不用木龕只以蘆席裹尸送江浦縣定山下吾願足矣未幾雷雨晦冥忽失尸所在封妙惠仙姑

沈野雲上元人住雨花臺側清源觀中從王古峯受鍊氣之術王鼎者素有惡疾野雲過而憐之許爲治療不踰月而愈遂以野雲爲師而以家藏古峯丹經十卷爲贄野雲喜曰吾自失真師養胎未脫豈意今日復見元

機遂相與晝夜研尋師弟俱超元秘

智瑛上元人正統初住雲溪寺因覽雲溪初行頭陀行爲諸僧負薪米力作己而有悟生平不識文字後乃能詩晚年忽語其徒曰某月日吾將逝必有風雷之驚屆期果疾風震電掣茅墮瓦視瑛已遷化矣

永慈字海州蜀人少時見僧輒喜遍參諸方得悟妙諦正統中守備太監袁誠請主東山翼善寺

定林江寧人原名周安爲周生執巾屨之役周生從諸大儒講說安時時竊聽拱身獨立不欹不倦生物故乃事楊道南先生講學破寺中心地益開朗後投雪松禪

師披剃爲弟子改名定林創閭牛首號爲華嚴太史焦
竑爲之記

古心溧水人幼從素庵於金陵棲霞寺講悟元機萬歷
間三懷法師修報恩寺塔頂不能上夢神云待波離尊
者至翼日古心至寺三拜而頂舉

守心陝西人頤而癰住宏濟寺戒行精嚴宮掖屢有經
幡之錫有所度佛像曾爲鼠嚙守心見而歎曰畜生何
物不足噉而殘我像耶旣夕鼠有伏死像前者法堂後
山壁峭削洞深數尺許因搆小屋趺坐其中一日命移
坐具徒衆莫喻至夜三鼓石壁墮其半小屋糜碎矣

慈山名德清全椒人年十二辭親入報恩寺事無極法師悟徹秘旨晚年以江南地氣柔脆宜入春冰夏雪之鄉痛自磨勵遂之龍門結老屋數間於萬山冰雪中後居登州以建造事得罪徙廣州

洪恩字雪浪江寧人年十二出家長干寺以無師智得大辯才盡埽訓詁單題本文拈示言外之旨南北法席之盛近代未有

潘爛頭江寧人軼其名朝天宮羽士也能行掌心雷法曾於東園上召神取紙神怒雷火燒其頭遂病創每出游羣兒以錢索雷則以手染頭創書雷字兒掌中令握

固行數武開手卽雲氣蒸蒸起雷聲轟然人有疾病以頭創書符與之病輒愈後不知所終

大艤龍舒人喜讀內典一日看人登樹始徹根源魏國公徐宏基迎主天界寺高提祖印廣度羣品

道盛閩人通百家言多發前人所未發金陵士大夫請主棲霞之中峯

觀衡霸州人俗趙姓母夢大士攜童子入門而誕焉自稱雲居灑掃至應天說戒清涼寺緇素慕之道風甚著恒躬執勞役不劬

廣德揚州人日誦經史千餘言一日聞佛踰王城學道

事有感遂往雲棲出家旋至江寧諸寺開解妙諦渙然
氷釋嘗曰癡禪狂慧若品行不高何足以寄斯道

智旭俗姓鍾父母持白衣咒十年夢大士送子而生幼
讀儒書長而出家主江寧之祖堂名公大人執經問難
直決元奧死葬靈峯之椒香塢

大成楚人蒲團默坐久之豁然住棲霞寺門風峻絕無
敢當鋒者洞宗爲之再振

尹蘧頭名從龍華州人宏正年間至江寧寓邸中輒閉
關臥多者逾月少亦五六日而後起館魏國公第晝寢
而寤語魏國曰適游洞庭返樂不可支魏國愕然不信

袖出兩橘畀之果洞庭產也

岳壽山句容人風骨奇異性嗜酒醉後顛舞嘗爲里中攢造黃冊及期莫措一字里正督之甚急一夕告完隱迹而去但於筆管中窺見數字剖開乃畱別家書人始驚異知其仙去云

毛海泉居大勞山徧身綠毛目光如電自言金陵人雪梅和尚性爽悟博通經典嘉靖中寓報恩寺每據高座講經聞者欽服工詩秋興云雨過池塘暑氣消山岡處處亂鳴蜩侵衣樹色搖空翠遠戶江聲落晚潮自笑疎慵忘禮樂祇將踪跡混漁樵降心惟有詩魔在時復

臨風寫綠蕉

南洲法師江寧人洪熙元年上御便殿召見慰勞甚至
遂奏乞還南京大報恩寺以終命中官護送還京賜資
優渥著有金剛經註解附錄二卷

刼定應天人長九尺言論侃侃晚年住長干寺以老嘉
靖戊午丈室前萬年青草作實大如梅子色如珊瑚數
滿百粒年正百歲人謂草實之祥

清公禪師住城南永寧寺勤苦自勵所事大士像放白
毫光夜如秉燭常掩關參禪不與世人酬荅

永正溧水人面有宿瘤性迂鈍如病形年二十祝髮長

千寺究心佛旨又酷樵齊已詩嘗鍵戶苦吟得數句生
硬輒自矜喜每欲棄置諸緣捨身清冷之淵云有妙指
詩一卷

德勝字純湛吳人初抵金陵憩龍江雙忠祠觀龜趺屹
立草中歎曰吳越衲子擔簦至此雙忠貫日不就是建
一莖草奚適乎危坐鍵關十寒暑書寫華嚴諸經四大
部

大健字蒲庵六合人卓錫永濟寺禪行精潔工詩常欲
立祠以祀杜甫著有花笑軒集

暈頭陀不知何許人仁宗監國南京獵寶香山逐二虎

至一巖下有老僧龐肩趺坐以衣覆二虎如馴兔仁宗怒曰妖人也將射之僧笑不顧問其名曰吾暈頭陀也公相福薄何不早出家太子不應命住興善寺不久辭去

讀體字見月雲南人姓許氏世襲軍官不屑塵俗年二十七超然遠引入劍州赤蕩巖修真三載一日行松陰下遇一老僧授以華嚴經頓悟宗旨晚主寶華山席釋氏有禪學義學律學三宗明季律學殆絕至見月而復興嘗不坐不臥不依倚晝夜壁立者九十日四方緇素翕然從風日食至三萬餘指

古拙住溧水壽國寺有戒行自號蕩華道人恒與金陵士夫以詩相聞競傳其泉鳴知宿雨木落見秋山之句忘所不知何許人住持永壽寺善詩文每升座講經必引五經正義互相發明就講者咸忘爲釋典絕口不譚衣食事或爲之謀謝曰我出家漢雖凍餒不足慮也蕭然掩關深領禪悅

武光輔溧水人少失父奉母惟謹好厯山水意若有所尋覓偶納涼戶外手舉大石若弄丸若有神助母卒服方外衣束仙人繚出入飄然覺有凌雲之意後不知所終

寬悅字耀鶴南京人居普德寺有堯山藏草

如愚字蘊璞江夏人賦性警敏橫發直指罔非精奧始居應天碧峯寺後居淳西庵註法華經以佛心求佛言支分節解妙義環生顧璘朱之蕃爲之序

季潭浙江人居江浦石佛寺愛其山水之勝大書江山一覽四字揭於方丈臨終作偈云形非類我我亦非形水中鹽味色裏膠青乍而見之冷面如冰久而親之和氣春生非乍非久道出常情一言相笑萬古風清遂跌坐而逝

永昇號太虛江浦人通書史洞契禪妙與道士蕭中同

居石洞庵所註佛經了徹通達毫無罣礙南海陳獻章
過浦亟加歎賞贈詩有公在吾儒公亦豪之句正德初
賜號圓融妙覺禪師

蕭中江浦人與僧太虛隱石洞庵年八十如二十許人
精內養之學言吉凶靡不驗後雲游不知所之

殷道人江浦人居龍洞山日與牧童嬉戲時爲人傭值
插秧農事甚急比戶求助咸應之次日各田中皆有一
殷道人助栽插一日可稻草數十束製爲草龍命牧童
縱火焚之畝於煙霧中見道人騎龍上昇至今里人立
木主於正月十五日祀殷道人云

王乘軒江浦人領衛運自燕京載張真人還山真人目
乘軒有道骨命畱山供灑掃三年授靈官秘法能頃刻
致雷雨凡祈禱驅祟無不神應

笠居居淨明寺又居瓜步山工詩一時名人皆與之游
其謂之不庵和尚

周萬象字含青應天府人七歲出家爲朝天宮道士精
通道典療病驅邪著有奇効生平誠樸寡言笑身長五
尺以上美鬚髯

閻希言一名復清山西人往來鍾山茅山間住乾元觀
有隙地喜廣植桃杏頂一髻不巾櫛腰腹十圍叩之如

鐵語言恟悅莫測嘗曰心無不存之謂照欲無不泯之謂忘又曰喜中知止則不喜怒中回思則不怒能咬得此二語便入忘境

唐某號古峯應天庠生遇老叟謂有仙骨約於天地壇三更時授以內外丹有勸之入山者古峯曰家有老母世無不孝神仙及母死遍辭親友各贈汞銀三錢去不知所終

道清應天人住高座寺善風鑑府丞談本夔過之道清曰公天庭黃氣直接眉宇不出兩月必有高擢時十一月朔也至小除夕談公詣寺申理前說清笑曰夫至兩

月之期何亟乎相與嘲噓而別除夕驛報至果擢順天尹

國朝掃葉者不知何許人苦志修行自建樓於清涼山顛樓以名傳與杜茶邨友善茶邨贈以詩云塵中方蹙蹙回首見幽涯山色張寒錦川光倚斷霞尋僧逢掃葉遶樹當看花好記清涼路明朝來出家

如是彰教寺僧有禪理崇禎時曾入大內賜予甚厚後駐錫揚州題偈於畫像囑侍者曰當有高淳弟子來可以像及先朝賜物付之吾不能待矣不日弟子月生往如是已卒廼攜諸物歸故山

雪墩上元人九歲祝髮普德寺繼主講席說楞嚴維摩
諸經闡微抉奧遠近咸讚慕焉著有法華科拾集鍾影
堂詩鈔

錢靜嵩字子久上元人朝天宮道士性峭潔博通書史
工詩少時爲杜茶邨先生高弟名重一時所著有龍門
集

古林二僧其名不詳亦不知何許人一爲常住收飯日
飯頭一爲常住種菜日園頭寺衆藐之無與言者獨二
僧相與往來言笑無間一日飯頭收飯罷沐浴趺坐顧
鄰舍僧日煩致信庵後園頭兄吾欲逝矣恐不及待鄰

僧急告園頭方執鋤鏤土聞之徐曰去幾多時荅以未久園頭曰然則吾將追之遂擲鋤而逝此康熙年間遺事

道興江寧人住古林寺康熙甲子寺遭祝融之厄道興不知所之時粵東山谷中火光四起居民驚集但見深林一僧跌坐而已咸問所從來荅曰江寧古林寺僧也因常住不戒於火來募屋材耳竄云山木難出道興云果布施甚易山主皆諾之任其取足旬日間忽大雨如注所募之木順水入江徑達古林殿宇得以重整規模世呼爲放光和尚

石舸語山新安宦家子又兄弟也父殉流寇竝祝髮永壽寺專精宗乘兼工詩善書畫高閣松風石牀花雨泊如也一時名人多樂與之游

朗然居彭嘉山有道行祈禱雨澤無不立應會自九月至十一月不雨環山請禱朗然曰今天無雨誰敢逆天請借雪盈尺可乎果立降

興洞和尚一字默默不知何許人住永濟寺語言樸訥不誦經典九十餘鬚鬢顏色猶不變或詢以長生之術大抵勸人葆攝精氣神爲養生主乾隆年壽百數十歲卒

釋大真江浦人精修梵行兼通醫理江寧嚴侍讀長明
幼患弱疾大真教以齋心習靜調和呼吸之法及愈偶
以終身詢之對以歷官清要身還思柳云云歷數十年
長明致仕歸修志廬陽館於書院額曰思柳堂長明驚
憶前語亟召其子觀往侍左右未幾病卒始悟真之前
知也真結茅定山下江上有覆舟者其子求父屍不得
爲誦經呪七晝夜屍竟逆流而出人咸異之卒葬浦口
宏惇字柏庵江浦人居邑西獅子林洞徹內典臨終有
偈云回首一著風吹葉落問阿是誰大夢初覺擲筆而
逝著有語錄若干卷詩集若干卷

陳載之江浦人精導引術

今誰字聞堂居能仁寺少舉於鄉忽於山下遇老僧結
趺危坐語之曰世間功名富貴俱屬空境汝試回頭一
看矣方轉瞬間遂不見此僧逸去削髮爲僧晚歸溧水
拒不見人

頗成溧水人年甫十歲卽誦經禮佛披剃杭州淨慈寺
禪悟了徹後住持開化寺徒衆千人成曰此非修行地
也一日五鼓鳴鐘鼓謂衆僧曰我來已久將欲回家去
矣衆僧曰出家無家師將何之曰爾等不知我來焉知
我往言訖端坐而逝

機先楚諸生至句容之瓦屋山結茅爲廬卉衣木食士人高其行相與談詩文論釋典娓娓不倦一日戒其徒曰某日余閉關有人來勿爲通屆期果有懇切求一面者淹畱信宿號泣去詢之乃其子也示寂日遺命以肉身畱鎮山門至今香火不絕

溥淳字樹居雨花山僧也戒行精潔工詩雅有清致又有根定者字竹堂住天界寺海岳者字中洲住清涼寺皆以詩畫自娛爲名人歎賞至若松崖字明鑑住香水庵有道行宗門推之登標字蒲澗住高座寺愼舉止能文章亦縑流之皎皎者

道成江寧人康熙間得法毘陵永寧寺乾隆初主席華嚴庵卽徐中山王之別墅也敗瓦頽牆精修不勸布施者接迹而至遂開堂接眾粥魚梵唄隔水相聞福聚字文海溧水人姓駱氏主寶華山潛心戒律屢登法座雍正甲寅至京師

賜紫衣主大法源寺傳戒所得弟子千八百十九人尋遣官護送還山

釋超際字衍鐙江南通州人精內典工詩字初居萬松庵後移西佗嶺客至言論津津歸宗忠孝少孤縣母像一幅人問之曰佛也知者叩之則流涕以告雍正甲辰

年九十除夕成詩有茲宵獨坐懷親墓六十年來客異鄉之句王子春終於西化嶺遂葬庵右至今林屋荒寂而墓草荆榛中石塔巋然

釋海岳字中州本丹徒儒家子住持清涼寺戒行精嚴詩文騰躍有氣勢嘗登金山有遙天豈肯隨江盡萬派應知倒海無瓜渚人家新草色潤州城郭舊斜陽之句尋登黃山有木蓮花賦數千言皆典雅精麗年八十餘終葬清涼山

釋指南徽州人販帛客也船失風獨得免遂薙髮爲僧行天台教養生有得行腳不怠初至上元徧游沿江諸

出得朝元洞洞故人迹罕至指南芟荆榛攜一蒲團晝
夜坐臥其中諸蟲獸悉辟去饑則采朽葉茹之或飲石
泉以竟日居久之山下居民咸以爲異乃共構茅屋數
椽於洞口饋以蔬米亦不卻嗜豆腐一器立盡往來城
市者數十年鬚鬢顏色不少變時唱朝元歌以警世人
皆目爲佛門仙子

釋行肇字介庵全椒人幼出家承恩寺嘗登樓折足行
動跛躄喜爲詩生平數千首嘗游補陀九華諸勝出肩
餘佳句成帙五言如一雨天初晴三更月如洗涼颼滿
人衣綠陰生釣舸亂泉飛石磴斜日漏松陰七言如聲

橫碧落雁千里影掛黃昏月一鉤夕陽鐙火黃茅屋秋水人家碧樹邨諸作不減宗泐妙聲也弟子禹疇篤行好學工詩惜年不永嘗欲裒諸老宿句刊寺志未成而歿

海月不知何許人定淮門內聽潮庵僧也茅屋數楹踞山巔下睨雉堞竹樹周遮大江當戶每晴冬落照恍近眉睫海月貧而好客有來訪者必剪韭烹蔬沽酒酌之興至彈琴一曲雖衲衣千補而情致殷殷無一毫募緣習氣歿後布衣陳古漁輓之有從此匡廬路無人訪道林之句庵之山曰小匡廬

道士龔採芝歛人隱采石白鶴觀修真數十年尋游江
寧結茅龍王廟側文昌庵乾隆乙酉冬坐化預知其期
畱偈云一箇蒲團一箇瓢一根扁拐一肩挑霎時放脫
紅塵事穩坐白雲看海潮弟子段一誠江寧人隨採芝
於文昌庵修煉亦數十年人有疾代禱北斗靈驗異常
疾瘳不受謝掩骼放生珍惜字紙至老不勸嘉慶丙寅
二月卒亦預知死期今石塔俱在文昌樓下與其師並
傳